

發四弘誓願

科曰諸勸人出家有何功德答曰能勸他人男女并捨自子出家譬如微塵世界之數功德亦不如勸人捨子等出家之功德縱有人造備蓋懸至二清境之功德亦不如勸人出家之功德也

要修科儀戒律鈔卷之十二

要修科儀戒律鈔卷之十三

第三

三洞道士朱法滿編

雜科第一

千真科曰施制立法要能行眾中無知法者不問多少皆悉不得共住共住之人必須同遵聖教動止合儀惡態能斷善共保護如勸惡者事在別律

科曰道法清虛不希名利閑居靜室謂曰仙家我弟子中多賣錢財寶貨牛馬奴婢耽著不已如此之人斷三寶原奪眾生福維持經奉戒俱為滅法

科曰上德尊人住持大眾下小者過須避嫌疑若有不和於國王妃嬪眷屬大臣宰輔俗人及兒女小道士淨人宿新怨嫌之前並不得呵責若應舉罰先喚來隱處自以示語情所不堪為眾所惡及當白眾舉罰

科曰出家之人務在簡靜非法行事動則落邪非法者一則廣求利養自說我能二則貪積無窮為人婚姻卜相三則強稱多解瞻視天文四則行等淨人躬執耕稼五則開亂朋

眾與惡友交遊六則不以正法為事而與尤俗結黨七則坐起無分混淆法次八則不依正律道俗同床九則闌夜出行而不秉炬自照十則擄捕雙陸劫盜行非恣意所為而不自戒入道依眾可以去之如不自懲是壞道法也

科曰諸小道士所請名德皆須修飾形儀整頓冠履安詳雅步稽首三拜拜訖長跪啟曰某甲小末未備法教故以遠來伏願大德賜垂解結我有所聞必無違遠大德為白眾今有道士某甲從小以來心有結累不能自解今稽首求悔若從生至今行賈行怒行劫行盜行貪行一切不善之行於今解釋不敢復犯進學正戒通明義理說竟謹依所說乃起更三拜而退

科曰亂眾之人多不依正法飲酒醉亂輕欺上下者罰錢及未或餘貨財當時同和後便違拒不肯輸送因茲杖罰或奪財帛以用供眾或苦役治地斬伐草木鋤禾收刈如一眾不能治罰總集道眾文不能治可送與國王

以依俗律

科曰若有不依法遊入他觀妄有輕欺科
索酒肉或媒嫁為人買奴婢及餘畜產或造
順俗之制犯罪囚禁遭赦得免或自貨賂方
使得脫或奪賊物因利求和律有正科依法
與罪也

科曰道士女官各須淨行道士不得畜女人
女官不得畜男子各使遠離樓廡其心目不
見形聽不聞聲道經云不見可欲使心不亂
若有此色即須白衆告舉不肯制止國王有
法也

科曰大觀私房皆多混亂特由尊者不能謹
慎縱恣無方或是網羅不出教令身居實地
心穢慳貪導引後生同開惡趣兇惡長養大
塞道源使正信者憑心何所

科曰共入寶房同開善趣懷臆動殺威乖大
慈養牛畜馬不免鞭打藉狗放狗專懷殺意
凡人淨戒此等並不合畜也

科曰人有專卑戒有小大或身雖奉戒意無
在法不修靜舍誦飾殿堂招引咒黨動為非

法聞鳴鐘禮拜大笑入觀見專德行道外生
謗誹特由網羅自爾何能戮力徒衆迥互作
法風教日生也

科曰若衆中有一人不善可隱處示語云真
品仙階行人所踐道無形相要藉人弘十方

法徒助道揚化聞有法要學擬成身豈得有
過令他知覺今大德諸行無犯唯有其事不
依正道請即改之猶如月虧更滿蘭歇更薰
幸相用言共匡法教不得即舉白大衆也

科曰出家之人與俗既別置觀立舍並不得
與俗人及家口家住若是十方法衆行往經
過看前人德行高低作三品安置尊卑若止
要令得所也

科曰每觀舍應須精思別院安置名德中常
集衆同在齋堂若是遠方行人來暫若止即

須先問欲何處居才高行潔精思別院若無
奇行請平常居止若是上人請下分可須辭
謝改處若才非所處即須誅退

科曰精思入定為性披黃戴幘為相若淵澄
霜潔玉潤冰清為世福田行無懸汗宗持正

戒有五譬喻一者喻如富貴之家忽生一子
而無兩目經涉三月兩目忽明舉家歡喜無
戒之人猶如無目二者喻如磨鏡漸漸增明
有戒之人念念功積三者喻如嬰兒細細長
大能持戒者以下之高四者喻如飢人終念
得食不得食故必死無疑不受戒人長淪盲
道五者喻如舟航能度大海能持戒者必度
生死苦海也

科曰若國王大臣施主工匠能有益衆者可
供給飲食薪火遇有求索白衆供給也

科曰若威勢及惡賊能損害衆者亦須供給
食此是不知法人能損壞法衆故也

科曰常住錢物不得貸借充私房用其有病
患切急白衆求請後一倍償還也

科曰非法之物不得布施問曰何為非法之
物答曰牛馬奴婢軍戎器仗等物是也

科曰時在饑荒又屬雜亂各欲隨豐逐靜能
有守固衆可分科財物以與守固之人也

科曰若有惡口赤舌兇徒惡黨以相羣聚常
懷遠離設使偶會情不獲已要須口順心違

若不能爾文為切害

科曰法物什物造像造經有所施用輕重各別答曰鐘磬幡花盞合帳蓋寶幢經靛之屬此是法物則重冠履几笏襦帽襪衫褶等為什物則輕本心為重後作輕犯五刑律本

作輕今作重不犯像則有三天尊為上真人為中眾仙玄中法師為下本心捨施造像為重不得入輕入輕犯十惡若以單入尊不犯經亦然上清為大洞是大乘洞玄靈寶是中乘洞神三皇為小乘本心造大乘後為中下

犯五刑律本造小令造中大不犯

科曰盜法物什物罪同五逆盜造像物罪同十惡若盜將他家像緣路告乞入己罪備五獄二十四萬劫若自造像擬將告乞取物入己被八門長考萬劫無出

科曰出家之人單景獨宿與物不奉割愛遺榮超然宴處若犯濁亂世不崇敬也

科曰若母姑姨姊等為病患及急難要須扶捉者無犯若是他人兒女沒水隨火縱有姪心亦須拯救不得犯觸也

科曰若行往道路逢女人有所求覓并乞食飲等只得隔十步外遙言若得物及飲食等安置床及地上去後來取不得親授手中若路逢女婦要避路與過也

科曰出家向道與俗有乖是我法徒共相蔽匿惡興善遠互生恩使遠近稱揚通令深信論云天下善人少不善人多今時之人吹毛覓瑕互相讒嫉不知已過強數他非設有一善爭相毀謗不能改身就善及欲敗善同惡故壞道法專由此人大大德尊者深所約語也

科曰若淫心起時如逢猛虎想如見毒蛇想似見國王想如為賊發達主司想如坐在宅被火四發遺境想如乘船渡海船漏欲沒想作此六心淫無起處

科曰共居觀舍堂殿園林地三寶眾殿勤天尊堂屬道士若其營造尊卑有等其私房是道士自造廣狹等級出自己身生前由身處分若死後而無付囑從眾施為若白衣童子自所營造得度之後配別處者亦聽許自己處分唯地屬三寶不得改動若大眾先有

別約例不犯也

科曰諸初入道戒行未全依倚村坊不住觀舍上無專德可畏下多狡猾為朋誘引兒女同床坐起歌笑嬉戲飲酒食肉俗人見之適生穢慢乃謂名德俱應若斯如此之類是破道法破他信敬尊德訪察依科與罪設不能治國王有法也

科曰若出家之人將三寶之物贈遺官人豪勢求所潤已隸今俗人生希望心縱能興建不如靜坐緣此受犯准盜物論也

科曰出家之人清室虛室脫者既甚有十惡累一則廣占荒野別畜田宅二則種植園林自求地利三則出入貯積絲綿穀帛四則蓄販奴婢五則愛養六畜六則食聚八珍七則好樂玩物八則摩飾帳帷九則衣著奇異十則財寶彌動此之十事於身不得為清虛得之在身為患累若有此者妨向道心礙淨解

慧

科曰若有人來乞索是因三寶赴齋傳度講誦轉經受施但是因三寶得者准明具科依

十二折傳處分若是此外所得聽出意布施濟惠仍不得以不淨取以為不淨施皆抱枉法得罪也

科曰若諸弟子恒懼天寒時亂飢荒等事貯積絲綿帛布五穀以備時急惠施者不禁也

科曰若有人將器仗禽獸非法之物以惠施者並不合受也

科曰若有人將使人婢奴以供給者悉不合受其使人能齋菜持戒者受也

科曰出家人房舍與俗人兒女隣並者夜宿各須閉戶不閉戶犯律也

科曰出家之人寧受偷鐘盜像之罪不言說他家陰私穢惡之事也

科曰若野地中得藏還與國王若藏中有券銘記云是經像堂殿之物得者為造經像堂

殿依其銘記處分施造不須白王若不犯十惡律如路次野中拾得之物捉取其物依標榜得主分付如不得主入常住也

科曰出家之人外行遊見闍打不孝父母不順兄弟為偷行盜軍兵相殺之事皆須歸觀

香湯洗浴入靖思微不尔犯科

科曰道士女官而被俗人不依道理輕欺若為依止答曰若道士女官而與俗人不依道

理輕欺者可告父母兄弟及村落有勢力者以為外護

科曰天尊初得成道聽許男子出家未審女人從何乃得入道答曰天尊因地淨信夫妻

結果成遂為元始因許男子通令出家妻以果地中假夫人之稱亦許女人相係入道

轉經度戒之後大洞女官男見女子入道受老君自然法已即須敬禮依法引接為能紹

隆聖種見其有過不得罵詈誶謗若治錄童子須禮大洞女官為敬法故也

科曰他人拾田宅園林為人侵奪若為處分答曰若有信敬捨施為人侵奪報本捨施主

令其轉貨

科曰若於道路逢見師主及師主知故皆以下風避影不隔越道路而與共言當以曲腰

折身有言則對無言則退也

危臨齋當以親侍左右兩手提攜不得放手遠離老少別朋

科曰夫為弟子之禮出則答白還則有慰問訊上下乃復常業也

科曰衆有疑惑我不勸成衆有評論我所害察衆有擅造我從衆宜衆有行遊我不矯俗

自恒卑退專敬前人

科曰為師主大德存衆之法寬弘以立節容物慈愛以約衆行事以衆勤朝修以肅敬上

乃平不異心下無怨色斯為大德者矣

科曰為人自己有善行當與在下共之勿自取歸已

科曰學道者不發他人過不揚己之能不拒人之諫不見己之怨也

同學緣第二

太真科曰錄生同門同志更相切磋共宣妙化小生與大生言備小生不得謾語若僕可得兄弟齊心一意明詳科法為人行事唯精

唯嚴執憲秉儀不可怠替自求吉福為他祈禱無有二心專為勸行化惡為善違科五刑

論也

科曰同學法衆縱復才德實勝前人名年在後猶應敬讓若前人推之因讓勿飾若彼加我我摺不報儻來崇我我摺不敢當時不獲已事勢所須或宜師我我又三讓後雖在位心猶敬前迹無敬儀比常例又相知者道念志同就之為友此心友也雖同學道志操非堅此泛交也其面交瞻其顏色欲結交迹而無交心其例甚衆大略有五一者門戶由來相似二者仕宦階級相關三者位卑而有勢四者驥賤而有財五者年色相類皆為俗交學道心交擇人揀志同者貴不驕棄於下賤賤不諂求於高貴忘年忘勢唯志道同違者七刑論也

科曰前雖結交後名官有別或為師長或為師友或為臣下皆解交執當時之禮若上命不解皆須讓下為文在上不得呼下解在下不呼上結義上命之也

造壇緣第三

二十四生圖曰元始天尊延賓清堂黃金為

壇白銀薦地本際經云大梵國王請經得力乃國中造大精舍建大寶壇又云絕和國王好樂造壇一月三壇周而後始又云林先生為壇有女侍於美色笑調先生後為醜陋又云爾時地下踊出七寶靈壇高地一百餘丈上下九級周匝八面級有九洽各有金格玉磬八十一枚晝夜六時自然而鳴八十一者同聲而發又云靜玄弟子請問天尊因何壇治從國踊出天尊答曰初高上帝王說本相真經時有空王造斯壇治淪隱不見今說本相壇治開而踊出五符序云帝嘗乃祭天帝於杜阿之壇也

碑闕第四

本相經云范則子順子得道但見太清玉碑闕上有二白鶴碑石書云往以共學道經宗三十六部由心不專志難會契也

要修科儀戒律鈔卷之十三

要修科儀戒律鈔卷之十四

三洞道士朱法滿編

飲酒緣

經云斷酒即行調和氣性太平經云真人問曰天下作酒以相飲市道元據凡人飲酒洽醉狂詠便作或即闕死或則相傷賊害或緣此奸淫或緣茲高墮被酒之害不可勝記念四海之內有幾何市一日之間消五穀數億萬斗斛復緣此致害連及縣官或使子孫呼嗟上感動皇天禍亂陰陽使四時五行之氣乖反如何故作狂藥以相飲食可斷之否神人曰善哉飲食人命也吾言或有可從或不可從但使有德之君教勅言從今以往敢有無故飲酒一斗者笞二十二斗杖六十三斗杖九十一斛杖三百以此為數廣令天下使賢人君子知法畏辱必不敢為其中愚人

有犯即罰作酒之家亦同飲者真人曰或千里之客或家有老弱或祠祀神靈如何神人曰若千里君子知國有禁小小無犯不得聚集家有老疾藥酒可通